

ESKALDUN DESTERRATUA.¹

Triste jarria desterruan,
Orai noha kantatzera
Zer dudan maite mundu huntan
Dolu minez erraitera.

Sort-herria!

Lur maitia!

Sekulan

Bizian

Ezin ahantzia!

Adios! adios, mendi ederrak,

Nihon parerik gabeak!

Adios! adios, ibai bazterrak,

Eta oihartzun emeak!

Adios, Laphurdiko alhorrak!

Adios, ene amoreak!

Adios! adios, en-herritarrak!

Adios, ait-ama maiteak!

Dembora iragan ondoan,

Orai dut orai ikhusten

Ez-dela herria sekulan

Es! aski nihoiz prezatzen.

Sort-herria! etc.

Guti nauk guti hitaz goza,

Oi lur adoragarria!

Hire miñaz ene bihotza

Hurtzen hari duk guzia.

Sort-herria! etc.

Hire orhoitzapen saminak

Tristatu naik sekulako,

Zeren ditudan maiterenak

Hor utzi sorthu orduko.

Sort-herria! etc.

Oi zerua zoinen eder den

Ipharra garbi denean!

Eta zoinen den goibel arren
Mendebal hedoi denean!

Sort-herria! etc.

Hala-hala ene urtheak,

Haian lehen eder zirenak!

Hi begietarik galtzeak

Ilhunarazi tik denak.

Sort-herria! etc.

Helas! hi ganik urrundua,

Oi herri hainitz ederra!

Bihotz mineraino zaurthua,

Ichurtzen diat nigarra.

Sort-herria! etc.

Hala-nola du arrantzeak

Zauri minena gaichtatzen,

Hala du ene doloreak

Bihotzean ihardesten.

Sort-herria! etc.

Ezin sobera maithatuzco

Haran benedikatua,

Hire ganik noiz arteraino

Izanan nauk urrundua!

Sort-herria! etc.

Lur atzean laster da histen

Lore ederren botea;

Hasi orduko birlandatzen,

Hala da histu enea.

Sort-herria! etc.

Zoinen garratz den desterruan

Orai dut orai ikhusten;

Ez-dut, ez-dut uste munduan

Min dorpheagorik baden!

Sort-herria! etc.

M. GUILBEAU.

(1) 1859-an, d'Abbadie jaunak idikitako Euskarazko itz jostaldietan 3-garren saria eraman zuen moldaera.

